

MARIACHI ORGULLO CU GIRA DEN CARIBE



ORANJESTAD (AAN):
Awe un di e mihor mariachinan di Aruba, esta Mariachi Orgullo di Aruba lo sali cu un gira den Caribe.

E integrantenan di e Mariachi lo sali pa 4'or cu American Airlines pa San Juan (Puerto Rico) y sigui pa Miami. Despues nan lo bay Nassau unda nan lo aborda e crucero

"Freewinds".

Segun DIARIO a compronde, na Nassau nan lo keda dos dia y despues lo bay pa Freeport, sigui pa Cozumel pa dos dia, sigui pa Cancun (Mexico), y despues di dos dia nan lo sigui pa Montego Bay.

Na Cancun nan lo bay tin diferente presentacion

hunto cu Mariachinan di Mexico, y probablemente nan lo viaha pa Acapulco pa e Festival 1991 y despues sigui pa Mexico City unda nan lo bishita Plaza Garibaldi y Plaza Santa Cecilia.

Mariachi Orgullo di Aruba ta bon prepara pa representa Aruba na cualquier lugar y hasta na Mexico.